

摘藻堂四庫全書薈要

集部

欽定四庫全書薈要

集部

誠齋集卷一

二



詳校官助教臣謝登雋

欽定四庫全書薈要

誠齋集目錄

卷一

詩

卷二

詩

卷三

詩



卷四

詩

卷五

詩

卷六

詩

卷七

詩

卷八

詩

卷九

詩

卷十

詩

卷十一

詩

卷十二

詩

卷十三

詩

卷十四

詩

卷十五

詩

卷十六

詩

卷十七

詩

卷十八

詩

卷十九

詩

卷二十

詩

卷二十一

詩

卷二十二

詩

卷二十三

詩

卷二十四

詩

卷二十五

詩

卷二十六

詩

卷二十七

詩

卷二十八

詩

卷二十九

詩

卷三十

詩

卷三十一

詩

卷三十二

詩

卷三十三

詩

卷三十四

詩

卷三十五

詩

卷三十六

詩

卷三十七

詩

卷三十八

詩

卷三十九

詩

卷四十

詩

卷四十一

詩

卷四十二

詩

卷四十三

賦

卷四十四

賦

卷四十五

辭

操

卷四十六

表

卷四十七

表

卷四十八

箋

卷四十九

啟

卷五十

啟

卷五十一



目錄  
啟

卷五十二

啟

卷五十三

啟

卷五十四

啟

卷五十五

啟

卷五十六

啟

卷五十七

啟

卷五十八

啟

卷五十九

啟

卷六十

啟

卷六十一

啟

卷六十二

書

卷六十三

書

卷六十四

書

卷六十五

書

卷六十六

書

卷六十七

書

卷六十八

書

卷六十九

奏對劄子

卷七十

奏對劄子

卷七十一

奏對劄子

卷七十二

記

卷七十三

記

卷七十四

記

卷七十五

記

卷七十六

記

卷七十七

記

卷七十八

序

卷七十九

序

卷八十

序

卷八十一

序

卷八十二

序

卷八十三

序

卷八十四

序

卷八十五

論

卷八十六

論

卷八十七

論

卷八十八

策

卷八十九

策

卷九十

策

卷九十一

程試論

卷九十二

庸言

卷九十三

庸言

卷九十四

庸言

卷九十五

庸言

卷九十六

解

卷九十七

雜著

卷九十八

雜著

卷九十九



雜著

卷一百

雜著

卷一百一

雜著

卷一百二

雜著

卷一百三

雜著

卷一百四

雜著

卷一百五

尺牘

卷一百六

尺牘

卷一百七

尺牘

卷一百八

尺牘

卷一百九

尺牘

卷一百十

尺牘

卷一百十一

尺牘

卷一百十二

尺牘

卷一百十三

東宮勸讀錄

卷一百十四

淳熙薦士錄

卷一百十五

詩話

卷一百十六

傳

卷一百十七

傳

卷一百十八

傳

卷一百十九

行狀

卷一百二十

行狀

卷一百二十一

碑

卷一百二十二

碑

卷一百二十三

墓表

卷一百二十四

墓誌銘

卷一百二十五

墓誌銘

卷一百二十六

墓誌銘

卷一百二十七

墓誌銘

卷一百二十八

墓誌銘

卷一百二十九

墓誌銘

卷一百三十

墓誌銘

卷一百三十一

墓誌銘

卷一百三十二

墓誌銘

卷一百三十三

附錄

臣等謹案誠齋集一百三十三卷宋楊萬里

撰萬里字廷秀吉州吉水人官終寶謨閣學士當韓侂冑北伐時憂恚不食卒贈光祿大

夫諡文節事蹟具宋史儒林傳此集則嘉定  
元年其子長孺所編次也萬里立朝多大節  
若乞留張栻力爭呂頤浩等配饗及裁變應  
詔諸奏今具載集中丰采猶可想見生平以  
詩擅名有江湖集七卷荆溪集五卷西歸集  
二卷南海集四卷朝天集六卷江西道院集  
二卷朝天續集四卷江東集五卷退休集七  
卷今併在集中方回稱其一官一集每集必

變一格雖沿江西詩派之末流不免有類唐  
麤俚之處而才思健拔包孕宏富自為南宋  
一作手非後來四靈江湖諸派可得而並稱  
也萬里別有易傳二十卷元陳櫟詆其因學  
文以求道于經學終非本色胡一桂作易本  
義附錄纂註博收諸家之說獨不采萬里一  
字然萬里易傳實本程子之說而引伸之以  
通于人事未嘗無可取者諸儒以其門戶之

見排之亦未為篤論矣乾隆四十三年二月

恭校上

總纂官

臣紀昀臣陸錫熊臣孫士毅

總校

官

臣

陸費

墀



欽定四庫全書薈要卷一萬五千五百七十八

集部

誠齋集卷一

宋 楊萬里 撰

詩

江湖集

壬午初秋贈寫真陳生

居士一丘壑深衣折角巾誰曾令子見忽漫寫吾真更  
不遊方外於何頓若人呼兒一笑看下筆可能親

和蕭判官東夫韻寄之

湘江曉月照離裾  
目送車塵至欲晡  
歸路新詩合千首  
幾時乘興更三吾  
眼邊俗物只添睡  
別後故人何侶臞  
尚策爬沙追歷塊  
未甘直作水中鳧

涪溪唐亭岵臺  
永人謂之三吾

木樨二絕句

只道秋花豔未強  
此花儘更有商量  
東風染得千紅紫  
曾有西風半點香

輕薄西風未辨霜  
夜揉黃雪作秋光  
吹殘六出猶餘四

匹似天花更著香

考試湖南漕司南歸值雨

我亦知吾生有涯長將病骨抵風沙天寒短日仍為客  
酒煖長亭未是家又苦征夫催去去更甘飛雨故斜斜  
舊聞行路令人老便恐霜毛一半加

題湘中館二首

清境故應好新寒殊不勝征衣愁着盡凭檻喜猶能亂  
眼船離岸關心山見稜箇中有句在下語更誰曾

江欲浮秋去山能渡水來  
嫩隅螢語雜欸乃楚聲哀  
寒早當緣閨詩成未費才  
愁邊正無奈歡伯一相開

送施少才赴試南宮

名淵然蜀人  
予取魁漕試

二首

我豈登名晚今仍作吏卑  
文能追古作子未要人知  
取第真成漫危言良獨竒  
新知誰不樂所要白頭期  
十日九奔命同行半倦游  
出城愁不早思子悔何由  
脚底已衡嶽眼中猶橘洲  
似嫌踈過子吾過更誰尤

野菊

未與騷人當糗糧  
况隨流俗作重陽  
政緣在野有幽色  
肯為無人減妙香  
已晚相逢半山碧  
便忙也折一枝黃  
花應冷笑東籬族  
猶向陶翁覓寵光

衡山值雨

稍喜歸途中  
半程猶愁泥潦  
未知晴雨來  
也不憐行客  
風過何須作  
許聲

至永州城外

戀戀庭闈竟北征  
槐花喚我試諸生  
了知歸近猶看堠

更有愁來即入城，愚水端能動入夢。  
喻峯何得嬾相迎，只應白髮持環久。  
見我蹙然笑未成。

寄別何運判德獻移閩憲

名侑處州人

二首

再歲三移節，千山一據鞍。  
梅花錦囊古，霜月繡衣寒。  
民欲刑幾措，公於此豈難。  
誰令清廟器，未著侍臣冠。  
薄技工奚取，知音一已多。  
從公日幾許，去我意如何。  
夢裏關山月，吟邊楚水波。  
門闌萬珠履，更試歲寒柯。

視旱憇鏡田店

走檄堪頻捧嚴程敢少徐雖晴恐非久猶熱未全無  
息翻增倦馳驅減壯圖詩成無利害失悶得清臞

視旱遇雨

已旱何秋雨無禾始水聲病民豈天意致此定誰生  
湯爪寧須剪桑羊可緩烹小儒空自嘆得到鳳凰城

水西野店皆不着宿夜抵石山虛

不着官人宿無如野店何見容幸有此雖陋更嫌他  
頭蝨妨歸夢鄰雞伴寤歌此生眠食爾行路揔蹉跎

明發石山

明發愁仍集寒雲又作屯懸知今定雨正坐夜來暄便  
恐禾生耳寧論客斷魂山深更須入聞有早梅村

涉小溪宿淡山

徑仄愁斜步溪深怯正看破船能不渡晴色敢辭寒白  
退山雲細青還玉宇寬險艱明已濟魂夢未渠安

題龍歸寺壁

題字纔前歲衝寒又此行竹能知雨至窓不隔江清走

檄還曾了禁人未肯晴  
息肩更須喜問路可憐生

董主簿正道壁間作水墨老梅一枝宿鵲縮

脛合半眼栖焉

董生名臨脛一作脛

斜枝飽風雪踈花淡水玉一鵲忍清寒居然伴幽獨

普明寺見梅

城中忙失探梅期  
初見僧窓一兩枝  
猶喜相看那恨晚  
故應更好半開時  
今冬不雪何關事  
作伴孤芳却欠伊  
月落山空正幽獨  
慰存無酒寫新詩

寄周子充察院二首

鄉者豺當路如今虎在山百年諸老盡一段好風還誰  
謂永嘉末人猶慶厯間班心公定可更可押廷班  
跡遠公猶記情親勢更踈忽思參硯席如許據龍豬雲  
步知無那文盟肯棄予只哦五箇字不愈一行書

自聲音巖泛小舟下高溪

晚日黃猶暖寒江白更清遠山衝岸出釣艇背人行舟  
穩何妨小波恬爾許平大魚不相報撥刺得吾驚

臘夜普明寺睡覺二首

旅夢忘為客，檐聲忽喚愁。  
親庭未差遠，佛屋不勝秋。  
只麼功名是，如今悟解不。  
十年行路飽，誰不遣吾休。  
作臘聊村酒，依人只短檠。  
畧無更可數，聽到雨無聲。  
犬吠知何苦，雞寒肯更鳴。  
生來眠不足，老去夢難成。

臘後二首

待臘驚還過，流年惜欲除。  
雨纔三日有，雪更一冬無。  
遊屐妨緣凜，寒威戀為爐。  
未須排旅悶，猶足助詩娛。

雲暗虛疑暮江空分外寒如何山雨過便爾岸沙乾奈  
此詩愁得懷哉歲事闌梅殘吾更忍不折一枝看

夜坐

欲雪天還暗不風寒自生燈搖無定影火作始然聲又  
遣庭闈訊懸知骨肉情履端猶幾日有夢未歸程

東寺詩僧照上人訪余於普明寺贈以詩

故人深住白雲隈欲到何因只寄梅歲晚觀山吾獨立  
泥中騎馬子能來轉頭不覺三年別病眼相看一笑開

說似少陵真句法未應言下更空回

題照上人迎翠軒二首

寺外秋山觸眼明寺根秋水洗心清  
晴嵐暖翠來未了不用高人倒屣迎

參寥癩可去無還誰踏詩僧最上關  
欲具江西句中眼猶須作禮問雲山

得親老家問二首

節裏難為客家中數有書  
慈親問歸否意緒各何如  
強

酒那能盡添愁不更除舊來貧未仕父子豈相踈

濟世吾無策迎親事屢驚

時全州兵執王守方撫定

乾坤裂未補替

笏達何榮三徑猶須祿羣飛不復情山林早回首詩酒  
且平生

立春前一夕二首

春忽明朝是冬將半夜非年華只不住客子未能歸微  
霰踈還密寒簷滴又稀撚鬚真浪苦呵筆更成揮

臘盡春還好朝暄暮復寒雨晴終日異衣着一冬難生

菜知無分殘梅不用看本憑書遣睡轉更睡相干

霰

雪花遣霰作前鋒勢頗張皇欲暗空篩瓦巧尋踈處漏  
跳堦誤到暖邊融寒聲帶雨山難白冷氣侵人火失紅  
方訝一冬暄較甚今宵敢歎卧如弓

立春日有懷二首

飄蓬敢恨一年遲客裏春光也自宜白玉青絲那得說  
一盃嚙下少陵詩

玉堂着句轉春風諸老從前亦寓忠誰為君王供帖子  
丁寧綺語不須工

立春新晴

宿雲送臘曉仍開日動紅光度竹來春到更晴誰弗喜  
時遷不道老相催山村敢惜身猶遠邊地應憐戰未回  
春鳥豈知人意緒新聲只欲勸銜杯

晚立普明寺門時已過立春去除夕三日爾  
將歸有歎

蕭蕭浙浙荻花風慘慘澹澹雲物容欲雪不雪關得儂  
得歸未歸一筦中年華縱留春已換半生作客今何恨  
夜來飛霰打僧窓便恐雪真數尺強催科不拙亦安出  
吾民漚髓不濡骨邊頭犀渠未晏眠天不雨粟地流錢  
除夕前一日歸舟夜泊曲渦市宿治平寺

江寬風緊折綿寒灘多岼少上水船市何曾遠船不近  
意已先到燈明邊夜投古寺衝泥入濕薪燒作蟲聲泣  
冷窓凍壁更成眠也勝踈蓬仰見天市人歌呼作時節

詩人兩膝高於頰還家兒女問何如明日此懷猶忍說  
癸未上元後永州夜飲趙敦禮竹亭聞蛙醉吟

茅亭夜集俯萬竹初月未光讓高燭主人酒令來無窮  
恍然墮我醉鄉中草間蛙聲忽三兩似笑吾人慳酒量  
只作蛙聽故自佳何須更作鼓吹想尚憶同登萬石亭  
倚欄垂手望寒青只今真到寒青裏吾人不飲竹不喜  
過百家渡四絕句

出得城來事事幽，涉湘半濟值漁舟。  
也知漁父趁魚急，翻着春衫不裹頭。

園花落盡路花開，白白紅紅各自媒。  
莫問早行奇絕處，四方八面野香來。

柳子祠前春已殘，新晴特地却春寒。  
踈籬不與花為護，只為蛛絲作網竿。

一晴一雨路乾濕，半淡半濃山疊重。  
遠草平中見牛背，新秧踈處有人蹤。

武岡李簿回寄問蕭判官東夫

客有來從天一隅相逢喜問子何如  
橘洲各自分馬首湘水更曾烹鯉魚  
心近人遐長作惡離多合少可無書  
得知安穩猶差慰敢道韋郎跡也踈

述新守值雨

春雨不大情音又不晴只與行人禁送迎  
小溪綠漲竟何曾官路黃泥滑不勝  
今年送迎乃爾苦去年送迎正如許  
風嚴火滅未五更暗行十里雞三鳴  
行路最難仍最

惡平生歷盡今更覺前人失脚後人笑後人失脚那可料

負丞零陵更盡而代者未至家君攜老幼先歸追送出城正值泥雨萬感驟集

吾父先歸吾未可吾母已行猶顧我兒女喜歸未解悲我愁安得似兒癡牆頭人看不須羨居者那知行者嘆昨日幸晴今又雨天公管得行人苦吾母病肺生怯寒晚風鳴屋正無端人家養子要作官吾親此行誰使然

送別呂令聖與

名行中  
申公家

一門三相千子孫後有公家前諸袁有治國譜無家譜  
種愛在堂銘在門誰能不徼鬻爵恩民乃不識田畝錢  
姓名墮在諸公口去去雲霄穩着鞭三年為寮無間然  
公行何得攬吾先取別當愁今更喜定知同醉西湖蓮  
聖與不受鬻爵之賞軍興旁郡皆科田畝錢惟零陵  
獨無聖與之祖文靖公有門銘聖與刻之種愛堂上

和司法張仲良醉中論詩

名材山  
東人

二首

醉話醒猶記來時讀轉新不緣朋好密其奈客居貧無

乃陽秋誤云何鼠朴珍端令和者寡敢以速為神  
相過寧嫌數未行先畏辭要寬千里別猶費幾篇詩意  
得翻難售聲希只自奇此生詩社裏三折或知醫

題唐德明秀才玉立齋

名人鑑

坡云無竹令人俗我云俗人正累竹玉立齋頭一萬竿  
能與主人相對寒看竹哦詩筆生力山童怪予遽忘食  
不但不可一日無斯須無此看何如詩成欲寫且復歇  
恐竹嫌詩未清絕丁寧一竿不可除竹亦何曾減風月

張仲良久約出郊以詩督之二首

百花亭下花如海  
子厚宅前溪似油  
幕下風流法曹掾  
坐窓猶未作黿頭

只道今春不肯晴  
已晴誰遣不郊行  
忍違花底提壺語  
不慮屋頭鳩婦鳴

和仲良催看黃才叔秀才南園牡丹

愁雨留花花已闌  
作晴猶喜兩朝寒  
山城春事無多子  
可緩南園探牡丹

謝唐德明惠笋

高人愛笋如愛玉，忍口不餐要添竹。  
云何又遣十輩來，昏花兩眼為渠開。  
販夫束縛向市賣，外強中乾美安在。  
錦紋猶帶落花泥，不論燒煮兩皆奇。  
豬肝累人真可忤，以笋累公端不惡。

別吳教授景衡

名湯輔處州人

道合從人笑，情親覺別難。  
得朋何恨晚，到老幾相看。  
世路今逾窄，吾徒却自寬。  
此心各相勉，不但道加餐。

謁張安國

帝苑花濃記並遊萬人回首看黿頭也知旬月應顙面  
已逼雲霄又作州別後聞公非故我學林著脚到前脩  
登門猶說同年話未覺紅鸞映白鷗

龔令國英約小集感冷暴下歸卧感而賦焉  
二首

客裏何煩病春餘不謂寒併來無計奈那得有懷寬憎  
藥猶須強耽書更暇看兩親問消息敢道不平安

吏卒稀仍散僮奴野自親問吾適無恙遽病此何因初  
覺身為客還疑老逼人焚香發深省一笑對殘春

仲良見和再和謝焉四首

未惜詩脾苦端令鬼胆寒吾才三鼓竭君思九江寬作  
者今猶古燈前捲又看不辭鬚撚斷只苦句難安

誰謂陳三遠髯張下筆親夫何此意合恐有宿生因我  
豈慵開眼年來寡見人更煩彫好句割取楚江春

陳三後山

先生也

健論開仍闔清規高更寒抗章胡未報憂世可能寬收  
用今寧晚飛騫尚會看自憐千慮短所願一枝安

仲良  
抗章

極言時  
事不報

豈不為寮久茲焉獨愈親卜居如不近同志竟何因山  
鳥頻招飲江花解笑人風顛仍雨急枉却一年春

晚寒

莫道今晨熱東風未得欺晚來作惡甚寒似禁烟時約  
雨斜還整吹花合且離不應如許峭故故惱吾衰

和仲良病中耽睡

居士何曾病羣兒錯見憐對床正風雨落紙忽雲烟欲  
夏花全退猶寒柳尚眠如何睡鄉裏只是着詩仙

和仲良春晚即事五首

幾許春纔好誰令綠遽深風光曾着眼時序只驚心永  
日便甘寢羈懷怯苦吟春歸猶作客晴少更多陰

春在已愁熱夏來還解涼一年又如許萬事更須忙情  
薄忘花減心危願歲穰平生只踈嬾何藥療嵇康

欲與東風說休吹墮絮飛吾行正無定魂夢豈忘歸花  
暖能醺眼山濃欲染衣只嫌春已老此景也應稀  
貧難聘歡伯病敢跨連錢夢豈花邊到春俄雨裏遷一  
犁關五秉百箔候三眠只有書生拙窮年墾紙田  
笋改齋前路疏眠雨後畦晴江明處動遠樹看來齊我  
語真彫朽君詩妙斲泥殷勤報春去恰恰一鶯啼

題潘彥政叔姪濯纓齋

名師  
文

愚溪之口湘江左茆齋不小亦不大齋前看江江只流

江中望齋齋更幽兩潘讀書韻清壯湘妃出聽魚吹浪  
大潘皎如鶴出林小潘不減在沙金向來姓名到天府  
市人莫笑渠塵土濯纓當屬最閒人兩潘且彈冠上塵  
和仲良分送柚花沉香三首

薰然真臘水沉片蒸以洞庭春雪花只得掾曹作南董  
國香未向俗人誇

鋸沉百疊糝瓊英一日三薰更九炷却悔香成太清絕  
龍涎生妒木犀憎

鶴骨龍筋金玉相詩人什襲幾年藏已驚好手奪天巧  
更遣餘芳惱楚狂

再病書懷呈仲良四首

病身誰伴亦誰憐贏得昏昏幾覺眠睡起不知身是病  
踞床看盡水沉煙

病中嫌雨又嫌晴自是情懷未若平兩日雨多端不惡  
市聲洗盡只簷聲

功名銷盡向來心詩酒從今也不禁夜雨遣人歸思動

不知湘水幾篙深

方外詩豪張仲良義風今日更誰雙絕憐病客無半眼  
粥飯隨宜到小窓

贈蜀中相士范思齊往全州見萬先之教授  
兩脚那解上金鑿兩手只合把釣竿比身管樂兒時態  
已翻九河洗我肝范生来自浣花里眼中之人定誰貴  
百鍊未必賢繞指貴人正要老於事斜風細雨又春休  
落花啼鳥捻春愁試問談間立封侯何如百錢挂杖頭

和唐德明問病

一作文德

二首

罷却微官且客居  
庭闈不近信全踈  
更無竹下子唐子  
誰與過逢說異書

俟命循天更不疑  
朶頤那可換靈龜  
逍遙豈在榆枋外  
問着扶搖總不知

又和梅雨

管得天公雨更晴  
何關客子病心情  
得歸此意良不惡  
且住微軀也自輕

又和見喜病間

初病楊花猶亂飛  
即今梅子已黃稀  
卧驚節物遽如許  
起得沉緜更解肥  
雲寺耶溪招布襪  
斜風細雨欠蓑衣  
半生不結脩門夢  
只夢家山喚早歸

罷丞零陵忽病傷  
寒謁醫兩旬如負擔  
者日遠日重改謁  
唐醫公亮九日而  
無病矣謝以長句

料病如料敵用藥  
如中的淮陰百戰  
有百勝由基百發

無一失老唐脉法明更高閱人二豎可得逃探囊起死  
無德色掉臂不為曳裾客但使鄉鄰少卧疴眼底名醫  
麻竹多嗟予詩瘦仍多病兩旬進尺退不寸逢君已晚  
亦未恨掃除何曾費餘及長句藉手聊爾爾真成不直  
一杯水

題黃才叔看山亭

春山華潤秋山瘦雨山黯黯晴山秀湖湘山色天下稀  
零陵仍復白其眉作音亭不為俗人好箇竹把茅吾事

了朝來看山佳有餘為渠更盡一編書

送張倅

山西勁氣何曾歇秦漢迄今幾奇傑張公長身鬚鬢蒼  
斜飛不入鵷鷺行狂卒叫譴民震擾不勞談笑斯須了  
皇上方披輿地圖煩公赤手繫單于捕逐虎豹公則老  
坐運籌策公尚少

題所寓唐德明書齋

鳬鷺行中脫病身竹林深處得幽人只言官滿無餘事

金夕月  
卷一  
也被詩愁攪一春

白含笑

薰風曉破碧蓮含  
花意猶低白玉顏  
一粲不曾容易發  
清香何自遍人間

題唐德明建一齋

城南前江後山址  
竹齋正對寒江啓  
不嫌漁火亂書燈  
只苦櫓聲驚睡美  
平生刺頭鑽故紙  
晚知此道無多子  
從渠散漫汗牛書  
笑倚江楓弄江水

夜離零陵以避同僚追送之勞留二絕簡諸友

已坐詩臞病更羸諸公剛欲餞湘湄夜浮一葉逃盟去  
已被沙鷗早得知

思歸日日只空言一棹今真水月間半夜猶聞郡樓鼓  
明朝應失永州山

泊冷水浦

前夕放船湘口步約到衡州來日午五程一減作三程

謝渠江漲半篙清今日雨來三四五又閉疎篷聽暮雨  
長年商量泊船所雨外青山更青處

憇連嶺店

此館初明眼前山正接眉熱嫌連日甚涼惜兩朝遲雨  
竹何其重風鷗不自持庭闈猶百里早已豁愁思

早行見螢

淺草時雙起深叢忽獨明情知曉月淡意欲照人行扇  
撲高無奈風斜半欲橫書帷吾已嬾不擬着囊盛

和人七夕

愛月斜仍細占星久未過浪傳商用事正苦汗成河蛛  
喜今宵綴蠅憎昨日多吾文那乞巧詩或擬陰何杜詩七月  
六日苦炎蒸况乃秋後轉多蠅

送抹利花與慶長

江梅去去木犀晚萱草石榴刺人眼抹利獨立幽更佳  
龍涎避香雪避花朝來無熱夜涼甚急遣山童問花信  
一枝帶雨折來歸走送詩人覓好詩

新居翦茅

小築新開一畝基  
晚風散策已相宜  
山童何急催歸去  
正是涼生月上時

讀罪已詔

時有符離之潰

三首

莫讀輪臺詔  
令人淚點垂  
天乎容此敵  
帝者謁非羆  
何罪良家子  
知它大將誰  
願懲危度口  
儻復雁門踦

危度口見

光武紀  
二年注

亂起吾降

音

日吾將強仕  
年中原仍夢裏  
南紀且愁邊

陛下非常主羣公莫自賢金臺尚未築乃至美強燕  
只道六朝窄渠猶數百春國家祖宗澤天地發生仁歷  
服端傳遠君王但側身楚人要能懼周命正維新

誠齋集卷一

欽定四庫全書薈要卷一萬五千五百七十九

集部

誠齋集卷二

宋 楊萬里 撰

詩

江湖集

題代度寺

一別重來十五年殘僧半在寺依然黃楊當日絕低小  
已過危簷也可憐

又題寺後竹亭

行盡空房凭盡欄竹光和月入亭寒壁間題字知誰句  
醉把殘燈仔細看

中秋前兩日別劉彥純彭仲莊於白馬山下  
匆匆離合夢非夢續續訴諧眠不眠莫道對床容易老  
試思分手幾何年長亭更放金荷淺後夜誰同壁月圓  
要得長隨二三友不知由我定由天

早發建安寺過大櫟虛

睡美那能動朝涼強作行吾方犯星起人已趁虛聲近  
路還如許長途作麼生兩親今止老三釜又須營

中秋前一夕翫月

月擬來宵好吾先今夕遭纔升半壁許已復一輪高遷  
坐明相就羣飛影得逃望秋惟有此徹夜敢辭勞

赴調宿白沙渡族叔文運攜酒追送走筆取  
別

扁舟斜纜白沙虛欲行未發小踟躕吾家子雲來得得

金  
卷二  
為攜碧酒買白魚  
誼風多年冷似鐵  
非公其誰主風月  
尊前醉倒定不嗔  
同來多半箇中人  
李高仲  
覺同至

醉後題壁

夜寒星斗挂屋椽  
我輩把酒不問天  
語聲未怕驚天上  
只愁驚起白鷗眠

夜雨泊新淦

亂眼纔迷樹回頭  
已濕沙蕭蕭打篷急  
點點入船斜此  
夕初為客何時却  
到家餘樽曾卧否  
喚取作生涯

明發新淦晴快風順約泊樟鎮

雨到中宵歇心知逗曉晴排雲數峯出漏日半江明風  
借輕帆便天催嬾客行不應樟鎮酒無意待人傾

泊樟鎮

此地三接浙重來四肅霜日斜秋樹轉市散暮船忙波  
捲清中白霞翻紫外黃汀沙渾換却不記舊園芳

午憇堆錢嶺

早作難為飯前途又苦飢塵勞正未了眠食且隨宜小

憇那思去追程得更遲館人只冷眼還為惜奔馳

路逢故將軍李顯忠以符離之役移其府庫  
士怨而潰謫居長沙

貪將如中使兵書不誤今只悲熊耳甲誰怨裏蹄金賈  
傅奚同郡朱游獨折心書生何處說詩罷自長吟

宿楊塘店

吾生行路何時了舊館重來身漸老路旁松檜只十年  
如今脩脩舊小小昨宵宿處又雲邊來宵還似今宵然

陳迹更待俛仰間有酒不飲要稱賢

宿長林

霧月撩人白風燈惱客青倦多資美睡酒薄免遲醒

午憩東塘近白干江西地盡於此

日以秋還短塗緣熱故長也知茅店小奈此竹風涼更  
遠終然到而吾有底忙欲行猶小駐咫尺便他鄉

初寒

欲雨還晴又作陰添衣已減却重尋絕知早晚新寒到

更用先來破客心

沙溪江亭

漁舟竟日不知還  
水碓無人也不閒  
斫却江頭一叢柳  
當愁無地着江山

宿張家店壁上有趙民則一絕句云舍策投  
床睡便濃覺來涼葉動西風驚秋念遠無窮  
意客裏知誰此夜同因次其韻

督郵不敵客愁濃  
那更愁宵一笛風  
公子何曾知許事

曠懷也解與人同

蔣蓮店有書柳子厚寄吳武陵琴詩三讀敬

哦五言

秋晴得涼行僻閑遇佳讀已咽猶餘滋將燼忽賸馥語  
妙古來多聽難今良獨追誦惜去眼信步遑擬足驚心  
一鳥鳴隔溪兩峯綠

道逢王元龜閣學

秋日纔昇却霧中先生更去恐羣空古雖云遠今猶古

公亦安知世重公軒冕何緣闕此老江山所過撻清風  
我行安用相逢得不得趨隅又北東

宿楓平

休說江西西路行東來骨瘦却詩清恐緣桂玉疎雲子  
敢對溪山喚麴生

發楓平

谷暗迷窓曉山鳴報雨來畦丁絕須喜菜甲正新栽倦  
路愁何那衝泥慣豈纔吾詩未大好也辱片雲催

過下梅

不特山盤水亦回溪山信美暇徘徊行人自趁斜陽急  
閑得歸鷗更苦催

九日落莫憶同施少才集長沙

九月九日今朝是五里十里正未已良辰美景只自美  
不如且著黑碁子濁醪不賤有如無黃花新寄絕交書  
三年客裏兩重九去年却得登高友醉吟嶽麓道林間  
天風吹帽挂君山倒騎蹇驢下絕頂眼花幾落賈誼井

金史四庫全書  
卷二  
如今悔狂亦嬾遊不嫌清坐獨醒休

宿度息

薄雲翳佳月風為作金篦我行以事役雲行亦忙為如  
何今夕寒只與客子期忘情豈我輩能禁秋興悲短檠  
不解事喚我哦新詩

曉泊舟廟山

一作  
州廟

平水長先曉無風也自濤煙昏山易遠岸濶樹難高去  
鴈鳴相報游魚冷捻逃輕寒容可忍清眺得辭勞

到龍山頭

影靜長安道涼風響轡銜海天低到水江日晚明帆潮  
遣先驅壯聲吞絕島巉黃塵征袖滿却愧着朝衫

見澹菴胡先生舍人

澹翁家近醉翁家二老風流莫等差黃帽朱耶飽煙雨  
白頭紫禁判鶯花補天老手何須石行地新堤早著沙  
三歲別公千里見端能解榻淪春芽

為王監簿先生求近詩

林下詩中第一仙西風吹到日輪邊杜陵野客還驚市  
國子先生小着鞭拈出老謀開宇宙本來清尚只雲泉  
新篇未許兒童誦但得真傳敢浪傳

宿徐元達小樓

樓迥眠曾著秋寒夜更加市聲先曉動窓月傍人斜役  
役名和利憧憧馬又車如何泉石耳禁得許誼譁

贈相士蓑衣道人杜需二首

與子生疎有底仇談間容易說封侯病身更遣氷山倚

野鶴孤雲也替愁

坐來小歇過眉拄客裏那能滿眼酤肯脫蓑衣借儂着  
鷗邊雨外且江湖

跋馬公弼省幹出示山谷艸聖浣花醉圖歌

名考輔  
西人

涪翁浣花醉圖歌詞自作復自寫少陵無人張顛死  
此翁奄有二子者不論釵股與錐沙更數旱蛟及驚蛇  
詩仙不合無艸聖鬼妬天嗔教薄命人言愛書緣愛賢

紫眉未必勝青編舊時鬼門關外客如今一字抵尺璧  
何須千載空相憶

送王監簿民瞻南歸

庭珪

潮頭打雲雲不留月波潑窓窓欲流夜寒報晴豈待曉  
天公端為盧溪老盧溪在山不知年盧溪出山即日還  
黃紙苦催得高卧青霞成癖誰能那詔謂先生式國人  
掉頭已復煙林深路旁莫作兩疏看老儒不用囊中金  
澹菴坐上觀顯上人分茶

分茶何似煎茶好煎茶不似分茶巧  
蒸水老禪弄泉手  
隆興元春新玉爪二者相遭兔甌面  
怪怪奇奇真善幻  
紛如擘絮行太空影落寒江能萬變  
銀瓶首下仍尻高  
注湯作字勢嫖姚不須更師屋漏法  
只問此瓶當響答  
紫微仙人烏角巾喚我起看清風生  
京塵滿袖思一洗  
病眼生花得再明漢鼎難調要公理  
策勲茗椀非公事  
不如回施與寒儒歸續茶經傳衲子

謝趙茂甫惠浙曹中筆蜀越薄箋二首

名師暢

公子平生無長物，几硯生涯敵玉冰。  
二妙端能并送似，便呼毛穎試谿藤。

百堵先生十兔尖，心知竒絕敢言貪。  
詩無好語書仍俗，喜氣多多抵得慙。

和馬公弼夜雨

一雨未辭泥至腰，新寒癘氣喜全消。  
都人得此正希濶，遠客幡然成寂寥。  
聲在疎簷與黃葉，夢聽禁漏近丹霄。  
愁心却被詩勾引，始覺君家我里遙。

再和錯綜其韻

家書稀到恐緣遙豈有全無鴈拂霄屈指大刀違破鏡  
負渠縮項及長腰何當竹外扁舟去趁取梅梢未雪消  
賴有可人同客舍破愁得句似參寥

和趙彥德旅懷是夕渠誦詩鼓琴

名不怠

客間眼暗可逢人公子詩琴却有神頻掉烏紗知得句  
快揮綠綺更留塵飄零不問今何夕邂逅相歡意便親  
作許生涯渾不惡只愁我輩轉須貧

至日前思親

節近親庭遠天寒日暮時未風窓已報欲雪脚先知

和湯叔度雪韻

名灝池陽人

道得閒來儘未閒頗緣幽事攪心閒卧聽雪作披衣起  
不待天明帶月看更覺梅枝殊摘索只驚蓬鬢却羈單  
飛花豈解知人意風裏時時戲作團

和馬公弼雪韻

灑竹穿梅湖更山客間得此未嫌寒髯疎也被輕輕點

齒冷猶禁細細餐晴了還成三日凍銷餘留得半庭看  
憑誰說似王郎婦鹽絮吟來揔未安

中書胡舍人玉堂夜直用萬里所和湯君雪  
韻和寄逆旅再和謝焉

紫禁仙人視艸間宮雲低到綺疏間玉妃為作回風舞  
金炬高燒帶笑看得句却嫌椽筆小衝泥遣慰客羶單  
吡哦妙語鏘驚鶴不覺梅梢霽月團

和符君俞卜鄰

名昌言  
朱崖人

朱崖柳色欲春風  
庾嶺梅花尚雪容  
念子南歸騎瘦馬  
只今誰解好真龍  
吾鄉端是山水窟  
何日來同立壑胸  
白鷺青原不妨揀  
誅茆結屋看何從

引見前一夕寓宿徐元達小樓元達招符君

俞胡季永小集走筆和君俞韻

主賓呼酒卷滄溟  
我亦何人與德星  
高閣連雲壓潮白  
前山倒影入杯青  
細哦秀句清無底  
匹似踈梅寒更馨  
不惜坐間作頽玉  
只愁宮漏又須聽

同君俞季永步至普濟寺晚泛西湖以歸得

四絕句

閣日微陰不礙晴杖藜小倦且須行湖山有意留儂欸  
約束踈鐘未出聲

煙艇橫斜柳港灣雲山出沒柳行間登山得似遊湖好  
却是湖心看盡山

西湖秋老為人容不必花時十里紅捲取郭熙真水墨  
枯荷折葦小霜風

曲曲都城繚翠微  
鱗鱗湖浪動斜暉  
天寒日暮遊人少  
兩岸輕舟星散歸

同岳大用甫撫幹雪後遊西湖早飯顯明寺  
步至四聖觀訪林和靖故居觀鶴聽琴得四  
絕句時去除夕二日

湖暖開冰已借春  
山晴留雪要娛人  
昨遊未當清竒在  
踏凍重來眼却新

紫陌微乾未放塵  
青鞋不惜浣泥痕  
春風已入寒蒲節

殘雪猶依古柳根

冰壺底裏步金沙真到林逋處士家  
未辦寒泉薦秋菊  
且將瘦句了梅花

道堂高絕俯空明上下躋攀取意行  
淨閣虛廊人寂寂  
鶴聲斷處忽琴聲

甲申上元前聞家君不快西歸見梅有感二  
首

官路桐江西復西野梅千樹壓疎籬  
昨來都下筠簋底

三百青錢買一枝

千里來為五斗謀  
老親望望且歸休  
春光儘好關僮事  
細雨梅花只做愁

晚春行田南原

西疇前日塵作霧  
南村今日波生路  
雲子從來疎廣文  
衝雨學稼當辭勤  
農言秧好殊勝麥  
其如綠針未堪喫  
吾生十指不拈泥  
毛錐便得傲蓑衣  
只願邊頭長無事  
把耒畊雲且吾志  
不愁官馬送還官  
借牛騎歸不用鞍

聞鶯

過雨溪山淨新晴花柳明來穿兩好樹別作一家聲故  
欲撩詩興仍添懷友情驚飛苦難見那更綠陰成

初夏日出且雨

笑憶唐人句無晴還有晴斜陽白鷗影踈雨子規聲臺  
閣非吾事溪山且此生詩成何用好詩好却難成

和文遠以作醺相踈

涉夏天勤雨今年定有秋試思衝熱出何似帶泥遊軒

冕關莊子江湖着魏牟高人香火裏也到酒邊不

族叔祖彥通所居宛在水中央名之曰小蓬萊為作長句

儂愛南溪不減公南溪親公却踈儂為儂只作一兩曲  
為公繞盡雲邊屋屋後有竹前有花斷橋纔整已半斜  
客來不惡去亦好莫將汗脚浣瑤草俗子只道無蓬萊  
請渠且洗睫上埃蓬萊不大亦不小作詩示公公一笑  
彥通以詩送石菖蒲和謝之

笑拂孤芳旋汲泉忽如身墮曉霜天一生寒瘦知何用  
只得清名垂萬年

清曉出城別王宣子舍人

月細惟愁落陽昇未要忙出門雞未報夾路稻初香涉  
世寧容嬾侵星幸稍涼病來詩久廢覓句費商量

送王吉州宣子舍人知明州二首

滿聽除書好明州勝吉州又為邦伯去政坐治聲優過  
闕端能遇居中定作留新民莫漫喜竹馬不須休

碧海翻詞筆清霜逼誼風不應盛名下未著玉堂中刺  
欲公留此其如帝望公從今摩病眼看到火城紅

題王宣子新作吉州學前詠歸亭

使君見處我何言且上斯亭一笑還便有醒然新氣象  
何曾改却舊江山詠歸風味誰知點克已工夫未減顏  
箇裏諸賢高着眼仕和不仕得相關

夜同文遠禱雨老岡祠

秋熟常年無此例今宵有月不能涼槁苗似妬詩人嬾

作意催成禱雨章

霜露

落照紅猶剩初星白未真  
霜威能奪月寒力故欺人  
哀鴈知誰怨吟蛩獨我親  
老來憂患裏忍淚已霑巾

理蔬

小摘吾猶惜頻來逕自成  
青蟲捕仍有蠹葉病還生  
貧裏猶存甯霜餘正可羹  
窺園未妨學挹甕更須營

送傅山人二絕句

江山有約未應踈浪自忙中白却鬚我昔屬官今屬我  
子能略伴瘦藤無

談天渠外更誰先聊復憐渠與酒錢富貴不愁天不管  
不應丘壑也關天

憫農

稻雲不雨不多黃蕎麥空花早著霜已分忍饑度殘歲  
更堪歲裏閏添長

絕句

楓老顏方少山晴氣反昏  
舊貧今更甚已冷幸猶暄

故少師張魏公輓詞三章

出畫民猶望回軍敵尚疑  
時非不吾以天未勝人為自  
別知何恙從誰話許悲一  
生長得忌千載却空思  
手麾日三舍身馭月重輪  
始是我岷秀前無社稷臣  
向來元破斧何用更洪鈞  
只使江淮草明年不作春

讀易堂邊路曾聞赤舄聲  
心從畫前到身在易中行  
憂國何緣壽思親豈欲生  
不應永州月猶傍兩窓明

和周仲覺三首

書嬾聊遮眼詩窮只掉頭寒醒非不睡薄醉奈何愁  
火細霜還重風停葉自投半生灾疾裏誰遣未休休

月澹猶明樹霜嚴不剝雲天寒一鴈叫夜半幾人聞  
詩只令吾瘦清聊與子分頻來仍恨少此去更離羣

春在梅邊動寒從月外來貧如螢不暖心與燭俱灰  
此意悠悠著音從誰細細開病來更憂患淚盡只餘哀

雪用歐陽公白戰律仍禁用映雪訪戴等故

事賦三首示同社

夜映非真曉山明不覺遙儘寒無奈爽且落未須銷體  
怯心仍愛顏衰酒強潮毛錐自堪戰寸鐵亦何消

是雨還堪拾非花却解飛兒童最無賴搏弄肯言歸向  
樹翻投竹欺人故點衣肩寒未妨聳筆凍可能揮

細聽無仍有貪看立又行落時晨却暗積處夜還明幸  
自漫山好何如到夏清似知吾黨意未遣日華晴

劉公佐親家奉議挽詞二首

已病身猶健云瘳計却聞告存非不壽有子更能文嗟  
我何多難喪親又哭君兩家兩翁好作墓併立墳

一命華其老諸昆半作官相高仍孝悌不但盛衣冠近  
別那云訣臨喪獨忍看心知公不恨我自淚難乾

送盧山人二首

行盡千山又萬山山真何好子能然青鳥縱妙儂曾問  
着眼煙雲也自賢

有穴牛眠子為尋剩將朽齒換華簪家阡只免牛羊到

此外窮通得上心

往安福宿代度寺

春前臘後暖還寒  
陌上泥中濕更乾  
野寺鳴鐘招我宿  
遠峯留雪待誰看

歸途轎中讀參寥詩

車中無作惟生睡  
卷裏何佳却勝閒  
會意貪看三五句  
回頭悔失數重山

挽封州太守趙次公二首

國爾懷孤憤麟兮嗣古風謂宜空冀北何意召河東榕  
葉烝山侵梨花慘殞宮傳家今有子身後未應窮  
鴈峯三徑古融水貳車新自此相從後還成永別晨只  
今耆舊傳誰是老成人剩欲書遺德心悲語不真

和元舉叔見謝載酒之韻二首

雪久自消猶半在雨來正密更無休硬黃字裏真添瘦  
重碧杯中且避愁

南溪溪北北山邊風月公何得獨專挈榼慚無桑落酒

贈詩如得漢陰編

雪後晚晴四山皆青惟東山全白賦最愛東  
山晴後雪二絕句

只知逐勝忽忘寒小立春風夕照間最愛東山晴後雪  
軟紅光裏湧銀山

羣山雪不到新晴多作泥融少作冰最愛東山晴後雪  
却愁宜看不宜登

寄題郭漢卿琴堂

着眼飛鴻外歌巾韻磬邊半忘今古操豈校有無絃自  
適何須妙能聽也則賢如何劃然裏猶露祖生鞭

乙酉社日偶題

愁邊節裏兩相關茶罷呼兒檢歷看社日雨多晴較少  
春風曉暖晚猶寒也思散策郊行去其奈綠溪路未乾  
綠暗紅稀非我事且尋野蕨作蔬盤

和昌英主簿叔社雨

愁已春相背詩仍債未還雨聲宜小睡竹戶且深闌夢

釣鷗邊雪衰忘鏡裏顏起來聊覓句句在眼中山

送談星辰吳山人

牙籌入手風前快玉李行天鏡裏看紫閣青規吾不夢  
子言欲試故應難

寒食上冢

逕直夫何細橋危可免扶遠山楓外澹破屋麥邊孤宿  
草春風又新阡去歲無梨花自寒食時節只愁予

和昌英主簿叔送花

去歲歸時正牡丹親庭上壽撚花看共知春好毋虛擲  
更復孟深肯剩殘誰料今茲千萬感強從叔也兩相寬  
風顛雨急關懷事時序撩人只暗嘆

和蕭伯振見贈

愁裏真成日似年嬾邊覓句此何緣雨荒山谷江西社  
苔卧曹瞞臺底甄頓有珠璣開病眼旋生羽翼欲俱仙  
車斜韻險難為繼聊復酌公莫浪傳

春晚往永和

春事已如許山居殊未知綠光風度麥白碎日翻池景  
好懷翻惡人嬉我獨悲郊行聊着眼興到漫成詩

轎中風翻書卷

挾冊登車強出山展來未讀眼先昏無端又被春風妬  
葉葉吹開更揭翻

農家嘆

兩月春霖三日晴久寒初暖稍秧青春工只要花遲着  
愁損農家管得呈

三江小渡

溪水將橋不復回  
小舟猶倚短篙開  
交情得似山溪渡  
不管風波去又來

誠齋集卷二

謹案卷一第九頁後七行倚欄垂手望寒青原本  
倚訛停據宋詩鈔改

卷二第十二頁前四行約束踈鐘未出聲原本出  
訛要據別本改

第二十二頁前二行景好懷翻惡原本懷訛還據  
別本改





總校官庶吉士臣張能照

校對官庶吉士臣陳文樞

謄錄監生臣沈元錡